

洞玄靈寶自然齋儀

各禮師 存念如法

次鳴法鼓二十四通

次發爐

無上三天玄元始三氣太上老君 召出臣等身中三五功曹 左右官使

者 左右捧香驛龍騎吏 侍香金童 傳言玉女 五帝直符 直日香

官 各三十六人出 關啟 此間土地里域 真官正神 臣今正爾燒

香行道 奉為弟子某陳乞所願 願得十方正真生氣 降流臣等身中

令臣所啟速達 徑御

太上無極大道至真玉皇上帝 御前

各稱名位

具法職某嶽先生 臣某等同誠上啟

虛無自然元始天尊

無極大道太上道君

太上老君

高上玉皇

洞玄靈寶自然齋儀

清微藏書閣

十方已得道大聖眾

至真諸君丈人

三十二天帝

玉虛上帝

玉帝太帝

東華南極西靈北真

玄都玉京金闕七寶玄臺

紫微上宮靈寶至真明皇道君

玄中大法師

三界官屬 一切尊靈

臣等宿命因緣 生逢大化 玄真啟拔 得入法門 三師盟受

三寶神經 供養尊禮 以求所願 荷恩隆重 喜懼交並 然受法之

日 約當罄竭 愚短自效毛髮 宣通法音 讚揚妙化 普令一切

咸入法門 救生度死 令眾安樂 凡有投告 理合申騰 今有詞文

謹當宣奏

次讀詞

具如詞言 情唯丹慊 仰憑至道 由慮將來 臣等忝荷洪慈
職唯拯救 伏聞 虛皇布法 為萬品之津梁 大帝垂文 作千真之
軌躅 門開接引 教許依投 有感即通 無求不應 精誠內著 芝
英為之表祥 靈澤下流 星辰為之列耀 運茲初捻上香 歸身歸神
歸命

十方無極大道太上三尊

願以是功德 歸流大道 弟子某家九玄七祖 前亡後化 一切
宗親 並願俱出九幽 齊登十極 落北陰之玄籍 上南極之丹文
福慶遐臻 禎祥遠集 仇讎罷對 慶及子孫 今故燒香 自歸依
師尊大聖眾 至真之德

得道之後 昇入無形 與道合同 夫玉京非遠 斂念即通
真宰無方 隨心必應 運茲二捻上香 歸身歸神歸命

十方無極大道太上三尊

願以是功德 歸流皇帝 執象化人 秉圖御運 人懷凱悌 物
遂生成 次及臣等 受道三師 經生父母 巖棲志士 同學之人 九
姻門族 天下人民 蜎飛蠹動 一切眾生 各遂安寧 悉離災橫

洞玄靈寶自然齋儀

清微藏書閣

今故燒香 自歸依

師尊大聖眾 至真之德

得道之後 昇入無形 與道合同 夫大道無私 隨機必應
至精有信 待感而通 運茲三捻上香 歸身歸神歸命

十方無極大道太上三尊

願以是功德 歸流齋主 大道弟子某并門族親姻 伏願 厄患
消寧 身心朗徹 洞金房之奧旨 超艷部之幽徒 福善自彰 神明
匡衛 生齡更遠 比枯木而再榮 盡命方延 類寒燈而重焰 男女
貞順 畜產繁昌 今故燒香 自歸依

師尊大聖眾 至真之德

得道之後 昇入無形 與道合同

次禮十方懺

次四聖方懺

臣法眾等至心歸命

十方無極太上靈寶天尊

十鄉神仙諸靈官

但弟子某生自囂塵 長多罪累 淪神喪氣 有偽無真 恩愛所
拘 聲名所誘 唯深愆犯 莫保安危 又慮積生已來 至于今日
陰罪陽過 犯觸十方 或不順陰陽 罔知避忌 殺生害命 恣意極
情 或知而故為 或謬誤不覺 或身心自構 或被逼從人 罪咎貫
盈 神明譴責 宿夜憂懼 不敢寧居 仰憑高尊 希蒙覆育 臣等
洗心首過 靜念祈恩 為修靈寶妙齋 拔贖幽明之咎 當願 見存
人口 良賤尊卑 厄難雲消 算壽天永 見存姻屬 內外宗親 神
爽清夷 盡沾玄慶 子孫昌熾 長會善緣 福起十方 禍沉九夜
稽首歸依
正真三寶

次左迴向 西平立 思九色圓像 命魔

密咒

次步虛 旋繞

次三啟

次三禮

次重稱名位

洞玄靈寶自然齋儀

清微藏書閣

具法職某嶽先生

臣某等同誠重上啟

太上無極大道至真

靈寶三十六部尊經

太上三尊

十方眾聖

玄中大法師

三界官屬 一切神靈

臣等餘福所流 運遇大法 玄真啟拔 忝佩靈文 而胎染結陋

未能抗絕 負越科禁 丹誠莫申 自宜灰心 甘寘冥罰 但以千

真有格 許立微功 輒勵管窺 奉宣慈化 期以拔贖 用濟群生

今謹有大道弟子某 辭情丹慊 實可哀矜 生在塵途 情唯昏蔽

因緣所習 超度無門 唯保倚上玄 特希洪澤 臣等謹相攜率 沐

浴身心 焚香轉經 以期悔謝 伏惟

太上眾尊

監齋大法師

侍真群靈

三界官屬

垂神鑒映 照覽所陳 特開大宥之恩 俯遂塵微之懇 伏乞赦
弟子 九玄七祖 下及己身 積世已來 至于今日 恣情極欲 廣
構罪田 或不了義方 不明妙趣 喪神耗氣 恥朴好華 口實心違
外真內偽 陰罪陽過 無量無邊 或謬誤不知 或知而故犯 違
盟破戒 怠墮幽冥 諸如此條 不可憶識 乞今燒香行道 賜蒙蕩
滌 伏愿
太上高聖大神 至真群靈 垂大慈之澤 致感應之靈 迴救度之福
降罔極之恩 召飛天神人 齎東華青宮九龍符命 歷下十方 檢
校曹局 凡有弟子某 家存亡罪咎 咸願消除 受鍊南宮 削名北
府 福流玄葉 吉享見存 使老少咸和 子孫賢貴 殃災雲散 善
瑞日生 僕隸安康 豢養滋茂 臣等謹為齋主 所首所謝 咸乞如
言 所啟所陳 事蒙原解 上明天尊弘慈之澤 下副臣等歸命之誠
謹啟以聞
次十二願
次復爐

洞玄靈寶自然齋儀

清微藏書閣

香官使者 左右龍虎君 侍香諸靈官 當令齋堂之內 自然生金液
丹碧芝英 百靈眾真 交會在此 香火爐前 令弟子修齋已後 舉
家受福 內外蒙恩 十方仙童玉女 侍衛香煙 傳臣向來關啟 徑
御
太上無極大道玉皇上帝 御前
次出堂

洞玄靈寶自然齋儀竟

天運壬辰年巳月正一天師清微弟子洪鼎堅羅大英恭錄彙編
蔣科靜複校